


BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF PEOPLE

IZASLANICI : RASIM KANTAREVIĆ
MIRVET BEGANOVIĆ

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
DOM NARODA
n/r Lidija Bradara, predsjedavajuća



Sarajevo, 10.05. 2017.godine

Na osnovu člana 177. i 178. Poslovnika o radu Doma naroda Parlamenta Federacije Bosne i Hercegovine, podnosim

AMANDMANE

na Prijedlog Zakona o izmjenama i dopunama Zakona o pravima branilaca i članova njihovih porodica (april 2017. godine)

AMANDMAN I

U članu 2.

stav 1. mijenja se i glasi :

Braniocima, u smislu ovog zakona smatraju se pripadnici Armije Republike Bosne i Hercegovine, Hrvatskog vijeća obrane, Narodne odbrane AP Zapadna Bosna i policije nadležnog organa unutrašnjih poslova (u daljem tekstu:Oružane snage), a koji su učestvovali u odbrani suvereniteta i cjelovitosti Bosne i Hercegovine (početak agresije na općinu Ravno), od 18.09.1991. do 23.12.1996. godine, odnosno do prestanka neposredne ratne opasnosti, kao i lice koje je učestvovalo u pripremi za odbranu i u odbrani Bosne i Hercegovine.

U stavu 3. dio teksta „namanje dvije godine“, mijenja se i glasi : „ najmanje jednu godinu“.

Obrazloženje :

Član 2. stav 1. predloženog rješenja zakona o izmjenama i dopunama Zakona o pravima branilaca i članova njihovih porodica ne uvodi u prava braniteljske zaštite pripadnike Narodne odbrane Autonomne pokrajine Zapadna Bosna, a na što se posebno odnose presude Ustavnog suda Federacije BiH broj U-22/04 od 20. jula 2005 godine , i presuda broj U-8/13 od 01.10.2013. godine.

Ustavni sud Federacije po presudi broj U-22/04 od 04. maja 2005. godine utvrdio je da član 2. Zakona o pravima branilaca i članova njihovih porodica ("Službene novine Federacije BiH" 33/04), kojim je definisan pojam branilaca, nije u skladu sa Ustavom Federacije Bosne i Hercegovine jer

navedenim članom pripadnici oružanih formacija Narodne odbrane Autonomne pokrajine Zapadna Bosna, kao i članovi njihovih porodica nisu tretirani na jednak način kao i pripadnici drugih oružanih formacija koje su u relevantnom periodu bile u istom ili sličnom položaju, što predstavlja povredu prava na jednakost pred zakonom i odredbi o zabrani diskriminacije.

Koristeći mogućnost datu u navedenoj presudi Ustavnog suda Federacije da usuglasi osporeni zakon sa ustavom Federacije Bosne i Hercegovine, Parlament Federacije BiH je članom 1. Zakona o izmjenama i dopunama Zakona o pravima branilaca i članova njihovih porodica ("Službene novine F BiH", broj 70/07), dopunio postojeći član 2. sa stavom 7., i izričito iz prava predviđenih odredbama osporenog zakona isključio pripadnike Narodne odbrane Autonomne pokrajine Zapadna Bosna i propisao da se za njih i članove njihovih porodica prava uređuju Zakonom o osnovama socijalne zaštite, zaštite civilnih žrtava rata i zaštite porodica sa djecom. Parlament Federacije, isključujući pripadnike Narodne odbrane Autonomne pokrajine Zapadna Bosna i članova njihovih porodica iz prava predviđenih odredbama osporenog zakona diskriminira lica iz različitih vojnih formacija koja su u relevantnom periodu bila u istom ili sličnom položaju.

Ustavni sud Federacije BiH je novom presudom U-8/13, od 01. oktobra 2013. godine utvrdio : da se član 1. Zakona o izmjenama i dopunama Zakona o pravima branilaca i članova njihovih porodica ("Službene novine F BiH", broj 70/07),nije u skladu sa Ustavom Federacije BiH.

Obzirom da se Zakonom o postupku pred Ustavnim sudom Federacije Bosne i Hercegovine u članu 40. kaže da :

" Usvojeni ili predloženi zakon ili drugi propis organa federalne, kantonalne ili općinske vlasti za koji ustavni sud utvrdi da nije u skladu sa Ustavom neće se primjenjivati od dana objavljivanja presude Ustavnog suda u "Službenim novinama Federacije BiH", odnosno predloženi zakon ili drugi propis neće stupiti na snagu, osim ukoliko se izmjeni na način koji propiše sud ili ukoliko sud ne utvrdi prijelazna rješenja, koja ne mogu biti na snazi duže od šest mjeseci. "

i da je presuda Ustavnog suda F BiH, broj :U-8/13 objavljena u "Službenim novinama Federacije BiH"

95/13 na dan 29.11.2013. godine Zakon o pravima branilaca i članova njihovih porodica je od tog dana neprimjenjiv a od tada je prošlo 3,5 godine .

Imajući u vidu da je Ustavom Federacije BiH, Članom IV.C.3.12 propisano da su : " Odluke Ustavnog suda konačne i obavezujuće ", u cilju implemnetacije presuda Ustavnog suda Federacije BiH, U-22/04 i U-8/13, neophodno je da se u članu 2. stav 1. definiše tekstom kao u predloženom amandmanu.

AMANDMAN II

U članu 55a. Stav 3. redak 7 mijenja se i glasi :

" - Pripadnost A R BiH, HVO ili NO APZB. "

Objasnenje :

Amandmanom I definisano je da se braniocima u smislu ovog zakona smatraju pripadnici
Autonomne pokrajine Zapadna Bosna. U skladu s tim u članu 55a. Stav 3. ,predloženi 7. stav
- pripadnost A R BiH ili pripadnost HVO-e , mijenja se i glasi : - Pripadnost A R BiH, HVO ili NO
APZB."

Izaslanici :

Rasim Kantarević



Mirvet Beganović

